



BOSANSKI NOVI Pripadnici **SIPA-e** presjekli lanac organiziranog kriminala



Pripadnici SIPA-e
izveli akciju
(Foto: Ilustracija)

Crnogorac Gani Kurti organizirao krijumčarenje skanka u BiH

Kurti uhvaćen s krivotvorenim pasošem prilikom ulaska u BiH
 • Uhapšeni Jasmin Selimagić i Anđelko Novaković • Selimagić često išao u Crnu Goru radi nadgledanja transporta droge

Prema nalogu tužioca Posebnog odjela za organizirani kriminal, ekonomski kriminal i korupciju, više desetaka policijskih službenika u ranim jutarnjim satima jučer je na području Bosanskog Novog uhapsilo Jasmina Selimagića (29) i Anđelka Novakovića (31), osumnjičene za organizirani kriminal i neovlašteni promet opojnih droga na međunarodnom nivou. Treći uhapšeni je Gani Kurti (47) iz Nikšića, državljanin Crne Gore, i nalazi se pod nadzorom Službe za poslove sa strancima BiH.

Ranije protjeran

Uporedo s hapšenjima na području Bosanskog Novog, deseci policajaca pretresli su objekte i vozila koja koriste Selimagić i Novaković. Uglavnom, Tužilaštvo BiH je, u saradnji sa SIPA-om i partnerskim organizacijama iz Crne Gore, provelo detaljnu istragu, tokom koje su prikupljeni dokazi da su osumnjičeni su-

dionici međunarodnog krijumčarenja velikih količina opojne droge, marihuane i skanka s područja Crne Gore u BiH.

Droga se dalje distribuirala na ilegalnom narkotržištu u sjeverozapadnom dijelu Bosne i Hercegovine. Također, istragom je, kako navode u Tužilaštvu, utvrđeno da je osumnjičeni Gani Kurti, koji se nalazio na izdržavanju robije u KPZ-u Zenica, iz zatvora, putem kontakata u Crnoj Gori i BiH, koordinirao krijumčarenje opojne droge u BiH.

Riječ je o osobi koja je ranije protjerana iz Bosne i Hercegovine. Uhapšen je s krivotvorenim dokumentima u trenutku kada je ilegalno pokušao ući u BiH. Također je utvrđeno da su osumnjičeni u više navrata krijumčarili količine od više kilograma ove opojne droge, a osumnjičeni Selimagić često je radi nadgledanja opojne droge i njenog transporta boraviu Crnoj Gori.

Izdržavali kazne

Selimagić i Novaković u Bosanskom Novom, barem prema onome što smo uspješli saznati od njihovih sugrađana koji o njima neradogovore, imaju deblji policijski dosje. Riječ je mahom o krađama, prevarama, prekršajima... Selimagić je u julu okončao i tromjesečnu robiju koju je izdržavao u KPZ-u Tunjice kod Banje Luke. Navodno, zbog neplaćenih kazni koje su se popele na vrtoglavih desetak hiljada maraka.

Policija je u Bosanskom Novom pretresla, kako saznajemo, tri lokacije koje se vezuju za ime Selimagića - dvije kuće u Prekosanju, naselju kod Bosanskog Novog, u kojima žive njegov otac i baka, te kuću u centru grada, koja je u vlasništvu njegove tetke koja boravi u Njemačkoj. U toj kući Selimagić je živio nakon izlaska iz zatvora. I Novaković je bio na robiji nakon koje je, prema priči pojedinih mještana, otišao na rad u Austriju.

Navodno se prije mjesec vratio u Bosanski Novi. Upućeni tvrde da su se obojica kretala u istom kriminalnom miljeu i na mjestima na kojim je, prema priči pojedinih, bilo lako nabaviti marihuanu ili neki drugi narkotik. **M. ZGONJANIN**

Oduzeto automatsko oružje

Tokom istražnih aktivnosti u ovom predmetu policijski službenici SIPA-e pronašli su i privremeno oduzeli određenu količinu narkotičkih sredstava. Tokom pretresa pronađeni su i privremeno oduzeti automatsko naoružanje, municija, mobilni telefoni, kao i drugi predmeti koji će se koristiti kao dokazi u daljnjem postupku.



Pretresene i dvije kuće Selimagića u Prekosanju (Foto: D. Stojnić)

Okupljalište narkomana

Jedno od okupljališta lokalnih narkomana i pijanica u Bosanskom Novom, pogotovo u večernjim satima, jeste potpuno devastirani objekt hotela „Una“.

- Tu se mogu vidjeti svaku večer. Od flaša ne

možeš proći. Opomenuli su me da gledam svoja posla, a dva puta sam jedva izvukao živu glavu - rekao nam je jedan od Novljana koji zbog prirode posla kojim se bavi nije želio da se njegovo ime spominje u javnosti.

Privoden zbog trgovine drogom

Prije četiri godine Gani Kurti i Mile Jestrović iz Pljevalja s Tužilaštvom BiH su sklopili sporazum o priznanju krivice po kojem su trebali biti osuđeni na zatvor u ukupnom trajanju od šest godina zbog trgovine 10,6 kilograma marihuane. Prema tom sporazumu, Kurtiju je trebala biti izrečena kazna od četi-

ri, a Jestroviću od dvije godine zatvora. Optuženima se na teret stavljalo da su kao članovi organizirane kriminalne grupe iz Crne Gore u BiH prokrijumčarili 10,6 kilograma marihuane koju su planirali prodati u Banjoj Luci. Drogu su tada prokrijumčarili na "divljem" prijelazu u Foči, ali su ubrzo uhapšeni.